

書名 [宋丞相李忠定公奏議六十九卷]附錄九卷  
 正德十一年跋刊本 (卷第十二至第二十二第三十二至第四十)鈔本  
 撰者 宋 李綱 撰, 明 朱欽 輯併校  
 卷 卷九  
 內容分類 史-詔令奏議-奏議-宋  
 索書號 大木-總類-奏議-別集-9  
 編號 B1913500

# 卷九



[彩色首頁1](#)

宋丞相李忠定公奏議附錄卷之一  
 後學 同郡畏 庵 朱欽 景校  
 文林郎邵武縣知縣 泰和蕭洋 繡梓  
 邵武縣儒學署教諭 事嚴陵 洪鼎 校正  
 靖康傳信錄序  
 二日差充行營司叅謀官 四日除尚書右丞充  
 充親征行營使 二月三日以姚平仲事罷職  
 伏闕復舊職 改充都大提舉京城四壁守禦  
 除知樞密院事 六月差充河北河東路宣撫  
 使 七月出師 次懷州 八月召赴闕議事 九月還次封丘 除

東洋文化研究所漢籍目錄 編號: B1913500  
 東洋文化研究所漢籍目錄所藏漢籍善本全文影像資料庫 索書號:  
 大木-總類-奏議-別集-9  
 漢籍善本全文影像資料庫文本 [宋丞相李忠定公奏議六十九卷]  
 附錄九卷 正德十一年跋刊本 (卷第十二至第二十二第三十二  
 至第四十)鈔本  
 版權所有: 東京大學 東洋文化研究所  
 使用上の注意事項



宋丞相李忠定公奏議附錄卷之九

誥二十七首

大司成除翰林學士

禁林翰墨之司學士清華之任修飾潤色實資視草於此  
門獻納論思自昔號稱為內相極一時之妙選為儒者之  
至榮我有俊臣宜膺茂舉具官某器度凝遠資識敏明宏  
材懿行足以羽儀本朝大用高文足以鼓動當世踐揚禁  
近彼遇眷知由侍從之邇聯總師儒之要職推行教法茂  
宣夙夜之勞作成人材藹集譽髦之士朕心所屬輿論攸  
歸是用擢自學宮進司翰苑職清地近極金鑿之寵榮禮



溼眷優有玉堂之故實惟朝廷之政事成得以與聞使號  
令文章有古人之風烈是惟稱任往既厥心

給事中除大司成

朕樂育天下之材恢庠序於海寓發明先聖之教合儒道  
於學宮必資雅望之臣以總成均之政歷選在位爰得其  
人具官某直諫多聞靖共有守智足以知聖人之道文足  
以為學者之宗頃被明揚荐躋華要代言西掖訓辭有灑  
靈之風列職東臺議論極忠嘉之益方師儒之虛席非老  
成而曷居莫如汝宜其為朕往惟京師首善之地而學校  
賢士之關英俊並游道藝焉考法令完具皆朕制作之規

賢能資與資爾推行之力務稱圖任嗣有寵褒

給事中

朝廷號令政事無有小大咸得與聞可則審讀而推行否  
則封駁而論列給事中之職也其任顧不重哉苟非其人  
朕不輕付以爾具官某器度凝遠操履端方智足以周事  
物之情學足以知國家之體蚤膺識擢寔歷清華恬然靖  
其休有譽處論思之職莫如汝宜夕拜瑣闥肆以命汝夫  
與聞國論而得行其所知此固汝之所學而欲行之者也  
無詭隨以避事無激訐以沽名惟既厥心務稱朕意

中書舍人除給事中

西掖代言蔚士林之雅望東臺夕拜為儒者之至榮必資  
俊偉之材克稱清華之選往踐厥服我得其人具官某資  
識敏明器度宏遠夙富淵源之學發為典麗之文自結眷  
知致身禁近論思獻納秉一節以周旋訓誥文章有三代  
之風烈朕心所屬輿論攸歸是用擢秀紫微陞華青瑣常  
刑未允實資論駁之風號令具威更賴審覈之力惟周密  
足以盡贊襄之美惟公忠足以杜群枉之門往既乃心毋  
煩予訓

中書舍人

官聯右省職在代言非特取其文章資修飾潤色之美實

使與聞政事有獻納論思之功必得其人乃稱茲選具官  
某器識凝遠風度粹夷學足以知古人之心智足以周當  
世之務蚤膺棟拔寢歷清華藹然後偉之聲卓爾靖共之  
操比從給札試以贊書嘉其典麗之文克備坦明之制擢  
參法從列職西臺惟三代之訓辭極灑澀之體而兩漢之  
號今有溫雅之風往既乃心無愧于古副朕眷倚嗣有寵褒  
起居舍人除中書舍人

西臺列屬職峻地清居言語侍從之班有獻納論思之任  
款稱茲選必惟其人具官某直諒多聞靖共守富淵源  
之碩學挺瓌偉之宏材蘭省為郎久推雅望螭坳載筆密



待清光寢歷歲時休有譽處比從給札試以贊書嘉其與  
麗之文克備坦明之制擢參彙從往代予言惟三代之文  
章極灑噩之體而兩漢之號令有溫雅之稱當時服其訓  
辭後世想其風烈朕甚慕此爾其勉之惟既厥心無愧于  
古

中書舍人除御史中丞

御史府不置大夫則中丞實為之長總率臺屬董正朝綱  
風憲之司耳目所寄厥任尤峻必惟其人具官某志操端  
方器度凝遠有勁正之氣而不畏強禦有明敏之識而練  
達事機蚤以明揚荐躋華要居言語侍從之列有獻納論

恩之忠恬然靖其休有譽處自朕志擢長南司聿資搏  
擊之材以肅紀綱之地朕方循名而責實體道以就功歎  
百吏之得人致四方之風動爾其推明國是糾正官邪使  
朋黨壞植而散群姦回心沮而膽落克稱中執法之任不  
愧古司直之風則予一人以寧爾亦有無窮之聞

侍御史除御史中丞

御史府不置大夫則中丞實為之長總率臺屬董正朝綱  
風憲之司耳目之寄厥任尤峻必惟其人具官某志操端  
方器度凝遠有勁正之氣足以配昔人之賢有明敏之材  
足以周當世之務頃由卿等擢貳臺端屢陳忠讜之言助

子視聽之廣議論豐亮朋黨壞植而散群彈劾公方姦邪  
心沮而膽落中立不倚直道無私不吐剛而茹柔期遏惡  
而揚善蔽自朕志進長南司以明因任之方以肅紀綱之  
地朕方循名而責實體道以就功欲廢官之得人俾四方  
之風動爾其推明國是糾正官邪進思盡忠無憚大吏克  
稱中執法之任不愧古司直之風則予一人以寧爾亦有  
無窮之聞

開封尹

京邑所都雅有浩穰之目釐穀之下必以彈壓為先肆求  
偉材總治劇務歷選在位我得其人具官某資識端方器

慶閱遠學洞古今之蘊智周事物之幾繇歷清華藹著風  
績有嚴重之威足以震服豪右有寬厚之政足以牧養細  
民蔽自朕心擢任天府夫四方之所聚會故多桀黠之民  
百貨之所阜通故多爭鬪之訟爾其摘發姦伏裁剽劇煩  
使將鼓設而稀鳴囹圄空而不犯首善之地為萬邦之聳  
瞻奏最之優致三朝之取法是為稱職則子汝嘉

工部尚書除延康殿學士知青州兼安撫使

中臺率屬參華八座之崇外屏分符宣風千里之遠出處  
雖異倚任惟均眷予心膂之臣徃殿股肱之郡宜推異數  
式寵其行具官某惇大裕和高明閱遠學洞古今之蘊智



周事物之幾頃被揀求編歷華近居言語侍從之列有獻  
納論思之忠擢長冬官茂著風績休有譽處恬然靖共遽  
陳均逸之章祈遂偃藩之志顧東土之都會濱海嶽之奧  
區民物阜蕃風俗渾厚慎擇厥守式圖爾居兼祕殿之華  
資付全齊之重寄承流宣化聿資師帥之良報政第功佇  
聞課績之最往據素蘊無煩訓辭

戶部侍郎除顯謨閣直學士知揚州兼淮南東路

鈐轄

度牒持橐入聯侍從之班紆組分符出總蕃宣之寄中外  
雖異倚任惟均眷予心膂之臣往殿股肱之郡宜推寵數

式邁其行具官某識度粹夷風猷敏助學博而守之以約  
材全而用無不宜頃被明揚荐躋華要代言鳳閣有獻納  
論思之忠貳政版曹得闔闕欽散之術有懷均逸力丐偃  
藩眷淮海之奧區實東南之都會慎擇厥守式圖爾居陞  
峻職於西清總重兵於一路承流宣化聿資師帥之良報  
政奏功佇聞課績之最往服朕命惟旣厥心

中書舍人除徽猷門待制知廬州

入侍從橐出綰郡章雖中外之或殊顧眷禮之無間式頒  
異數以寵其行具官某識度粹夷文辭敏妙頃由揀拔躋  
歷清華處言語侍從之班有獻納論思之益抗章請外願

試牧民其次對於西清以分符於南服承流宣化徃慎撫  
綏奏最第功佇觀報效勉思予訓益旣乃心

殿中監

王者極崇高而臨寶位作威福而享玉食備萬物之奉極  
天下之養必有法式掌于有司故周建六卿列於天官之  
屬唐分六尚綜以殿中之官肆朕纂承若稽古訓崇其班  
秩以示褒優必惟其人乃稱茲選以爾具官某器度凝遠  
才識敏明席世胄之高華蔚搢紳之譽望踐歷滋久績效  
可觀蔽自朕志擢司省省凡乘輿服御膳羞酒醴次合器  
用典于六局者咸總治之爾其慎率乃僚各共爾事夙夜

歷職事予一人尚有寵褒以為汝勸

太常卿

列寺置卿奉常尤為高選凡祠祭禮文之事悉總治之職  
要地清非他司比充是選者實難其人具官某資識敏明  
器度凝遠博雅好古直諫多聞中外踐更靖共自好蔚有  
譽望諱于搢紳蔽自朕心擢長寺事朕方觀會通以行典  
禮整齊繁以事神示資爾欽承副予明恤贊相禮儀之事  
討論郊廟之文徃率乃僚各修厥職以稱朕所以命爾之  
意

宗正卿



朕纂紹丕圖敦睦九族以屬籍辨其世系以學校興其賢能職在宗正厥任重矣膺是選者實難其人具官某資識敏明趨操端亮雅有譽望藹于搢紳為郎省曹靖共有守擢貳卿寺風績著聞蔽自朕心進長寺事夫職清事簡而兼師儒之選亦汝之所歆也往既厥心務推朕所以教養之意使人自勸學底于有成則為稱職尚有寵褒

明堂頒政

帝者之世天道致祥堯曆象以授時舜璣衡以齊政萬邦作乂庶績咸凝朕纂紹丕圖稽古有作建合臺以觀象御明堂以頒常度幾與帝者同風必惟其人克任斯職具官

某性資端厚器度閑深學足以通古今之淵源識足以窺天人之精稔徊翔卿寺聞望彌休頒政之官肆以命汝夫提絜天地把握陰陽以御六氣之辨此固出於精神心術之妙至於推而行之無或爽忒俾四方萬里之遠遵承而弗違此則汝之職也往既乃心圖稱朕命

秘書監

朕藏天下之圖書以待討論之用聚天下之英俊以備校讎之官總治監事非清德老儒孰任茲選具官某博雅好古直諒多聞文足以為國華材足以周世務蚤被識拔寔歷清華恬然靖其休有譽慶蔽自朕志擢長芸臺夫左圖

右書而朝夕所與共處者皆英俊之游亦汝之所樂也往  
究乃心以稱朕所以命汝之意

太僕卿

國容莫重於奉軍軍政必先於牧馬太僕之職車馬是司  
驂乘輿以周旋掌閑馭之政令厥任尤重匪材不居具官  
某資識詳明風猷敏劭踐揚滋久譽聞甚休蔽自朕心擢  
長寺事往率乃屬其既厥心正于僕御之臣罔非吉士辨  
夫毛物之等使之阜蕃則予汝嘉是惟稱職

光祿卿

漢置光祿勳以班爵詔功而後世列于諸卿實掌膳羞酒

禮之政肇修官制因而不改克稱厥職必惟其人具官某  
學問該明趨操端亮雅有譽望請于搢紳為郎省曹靖共  
有守擢貳卿列風績著聞蔽自朕心進長寺事夫膳羞酒  
醴所以供上帝百神之祀待賓客百官饗殮之奉厥任重  
矣往盡乃心茲率厥常以副朕所以命汝之意

大府卿

周建九府而大府之職掌貢賦之貳受其貨賄之入而以  
式法頒之稽古置卿委任甚重克稱厥職必惟其人具官  
某資識敏明器度宏博更踐中外風績著聞蔽自朕心擢  
總寺事夫財用之所出納物夥事叢則姦弊易乘以起往



盡乃心必謹察而明辨之以稱朕命汝之意

司農卿

國家轉漕東南以給中都周知其數職在大農非材力敏強克辦大計曷任茲選具官某學問該洽智術自將為郎省曹休有譽處奉使外服風績流聞茲自朕心擢總寺事夫出納斂散雖有常式均調盈虛亦惟其人往既乃心以裕邦計使倉廩充實而賦必以時則為稱職尚有寵褒

大理卿

廷尉天下之平也邦憲是司民命所寄厥任甚重必惟其人具官某起自法家克著顯譽有明敏之材足以折獄有

審克之智足以決疑茲自朕志命爾作士夫昔之所是疏為律今之所是著為令訊鞠論報掠治傳變憲章具存資爾推舉惟察惟法必慎必清體朕好生期于弼教昔張釋之為廷尉而天下無冤民于定國為廷尉而民自以不冤往既乃心無俾專美則朕以憚爾亦有辭

鴻臚卿

朕正朝儀以饗群辟享賓禮以懷遠人職在鴻臚掌其政令厥任甚重匪材不居具官某資識敏明問學該洽揚歷滋久譽望彌休茲自朕心擢長寺事夫四方之賓客與異域之蠻夷貢覲以時道里修遠宜厚緩懷之意以旌來享

之誠往率乃僚無替朕命

都水使者

王者體國之制水政為先邦計賴轉輸之功民事資灌溉之利固隄防以虞決溢濬畎澮以底䟽通政令具存水衡是職厥任甚重匪材不居具官某資識詳明風猷敏劭踐歷滋久與望彌休蔽自朕心擢總監事䟽觀物理水不異於趨卑遠績禹功智必行於勿鑿往率乃屬明聽朕言佇觀厥成嗣有褒寵

軍器監

王者除戎器以戒不虞甲冑干櫓捍患以完因為先弓矢

戈矛討敵以牟利為貴藏在武庫有司時出而繕修之總是職者實難其人具官某資識強明材術膺敏更踐中外風績著聞蔽自朕心擢總監事夫材有美工有巧而器械之制咸有法式具有憲章往修厥官以稱朕所以命爾之意

少府監

少府置監典治尚方備物制器以供御宸極厥任甚重匪材不居具官某資識詳明風猷敏劭雅有譽聞藹于播紳蔽自朕志擢總監事夫漢宣總核名實而百工技巧咸精其能朕甚嘉之往既乃心物勒工名必考其成以副朕所



以命爾之意

將作監

王者體國凡宮室門闈高下廣狹之制皆有法式掌于有司大匠之職寔總營造厥任甚重必惟其人具官其資識詳明材術膚敏揚歷寢久風績著聞蔽自朕心擢總監事夫國有六職百工居一焉矧於曲藝巧者精之往若子工使盡其巧而依於法是為稱職嗣有寵褒

邵武縣縣丞吳興陸讓同刊

御 書 李軒同校

宋丞相李忠定公奏議附錄卷之九

畢

李忠定公祠堂祭田記

附

宋丞相忠定李公柄國于南渡之初然得行其志之日少矣至今天下誦其功服其正者何也義利明而三綱立也春秋之義莫大於華夷之防而况君父之讐乎莫嚴於君臣之分而况僭逆之賊乎公在當時論國是必曰復讐論修政必曰誅僭逆此恢復第一義也視諸葛武侯明漢賊不兩立王業不偏安之心豈異哉夫三綱者萬世公共之大經非一時一人之私也公適身任其責主張維持惟恐或墜此天下後世所以不忘乎公也歟正德乙亥巡按御史張君景暘拜謁祠下顧灑掃之